

DEPARTEMENT VAN JUSTISIE EN STAATKUNDIGE ONTWIKKELING**PROKLAMASIE KENNISGEWING 316 VAN 2026**

**deur die
PRESIDENT van die REPUBLIEK van SUID-AFRIKA**

WET OP SPESIALE ONDERSOEKEENHEDE EN SPESIALE TRIBUNALE, 1996 (WET NO. 74 VAN 1996): VERWYSING VAN AANGELEENTHEDE NA BESTAANDE SPESIALE ONDERSOEKEENHEID EN SPESIALE TRIBUNAAL: REGULERENDE OWERHEID VIR DIE PRIVATE SEKURITEITSBEDRYF EN WERKLOOSHEIDSVERSKERING FONDS

AANGESIEN bewerings soos beoog in artikel 2(2) van die Wet op Spesiale Ondersoekeenheede en Spesiale Tribunale, 1996 (Wet No. 74 van 1996) ("die Wet"), gemaak is in verband met die aangeleentede van die Regulerende Owerheid vir die Private Sekuriteitsbedryf ("die Owerheid") en die Werkloosheidsversekering Fonds ("die Fonds") (hierna na verwys as "die Instellings");

EN AANGESIEN die Instellings verliese gely het wat verhaal kan word;

EN AANGESIEN ek dit nodig ag dat gemelde bewerings ondersoek en siviele geskille voortspruitend uit sodanige ondersoek bereg moet word;

DERHALWE, verwys ek hierby, kragtens artikel 2(1) van die Wet, die aangeleentede in die Bylae vermeld ten opsigte van die Instellings, vir ondersoek na die Spesiale Ondersoekeenheid ingestel by Proklamasie No. R. 118 van 31 Julie 2001 en bepaal dat, vir die doeleindes van die ondersoek van die aangeleentede, die opdrag van die Spesiale Ondersoekeenheid is om soos beoog in gemelde Wet, ondersoek te doen na enige—

- (a) ernstige wanadministrasie in verband met die aangeleentede van die Instellings;
- (b) onbehoorlike of onregmatige optrede deur werknemers van die Instellings;
- (c) onregmatige bewilliging of besteding van publieke geld of eiendom;
- (d) onwettige, onreëlmatige of nie-goedgekeurde verkrygende handeling, transaksie, maatreël of praktyk wat op Staatseiendom betrekking het;
- (e) opsetlike of nalatige verlies van publieke geld of skade aan publieke eiendom;
- (f) misdryf bedoel in Deel 1 tot 4, of artikel 17, 20 of 21 (vir sover dit op voorgenoemde misdrywe betrekking het) van Hoofstuk 2 van die Wet op die Voorkoming en Bestryding van Korrupte Bedrywighede, 2004 (Wet No. 12 van 2004), en welke misdrywe gepleeg is in verband met die aangeleentede van die Instellings; of
- (g) onwettige of onbehoorlike gedrag deur enige persoon, wat ernstige benadeling tot die belange van die publiek of enige kategorie daarvan veroorsaak het,

wat plaasgevind het tussen 1 Januarie 2019 en die datum van publikasie van hierdie Proklamasie of wat plaasgevind het voor 1 Januarie 2019 of na die datum van publikasie van hierdie Proklamasie, maar wat relevant is tot, verband hou met, insidenteel of bykomstig is tot, die aangeleentede vermeld in die Bylae of wat dieselfde persone, entiteite of kontrakte betrek wat ondersoek word kragtens die volmag verleen deur hierdie Proklamasie, en om al die werksaamhede en bevoegdhede wat deur die Wet aan die gemelde Spesiale Ondersoekeenheid toegewys of opgedra is, uit te oefen of te verrig in

verband met die genoemde aangeleentheid in die Bylae, insluitend die verhaal van enige verliese wat deur die Instellings gely is.

Gegee onder my Hand en die Seël van die Republiek van Suid-Afrika te Kaapstad op hede die sewe-en-twintigste dag van Mei Twee duisend-en-ses-en-twintig.

CM Ramaphosa
President

Op las van die President-in-Kabinet

MT Kubayi
Minister van die Kabinet

BYLAE

1. Die aanskaffing van, of kontraktering vir opleidingsdienste deur of namens die Instellings met betrekking tot tender nommer UIF/04/2019 en betalings wat in verband daarmee gemaak is op 'n wyse wat—

(a) nie regverdig, mededingend, deursigtig, billik of koste-effektief was nie; of

(b) strydig was met toepaslike—

(i) wetgewing;

(ii) handleidings, riglyne, omsendskrywes of instruksies wat deur die Nasionale Tesourie of die betrokke Provinsiale Tesourie uitgevaardig is; of

(iii) handleidings, beleid, prosedures, voorskrifte, instruksies of praktyke van, of wat op die Instellings van toepassing is;

en enige verbandhoudende ongemagtigde, onreëlmatige of vrugtelose en verspilte uitgawes wat deur die Instellings aangegaan is.

2. Wanadministrasie in die aangeleentheid van die Instellings en enige verliese of benadeling deur die Instellings as gevolg van sodanige wanadministrasie gely met betrekking tot die verskaffing van Verkiesings Observeerder Opleiding, Eind-gebruiker Berekening Opleiding en "PRISA Grade E to C" Opleiding aan 7 071 geteikende leerders dwarsoor nege provinsies.

3. Enige onregmatige of onbehoorlike gedrag deur beamptes of werknemers van die Instellings, die betrokke verskaffers of diensverskaffers of enige ander persoon of entiteit, met betrekking tot die bewerings in paragrawe 1 en 2 hierbo uiteengesit.